

ille Virgo Joseph Pater, præservati fuerunt a peccato originali, primo suæ conceptionis instanti, et omnino ambo liberati ab omni culpa. Ergo almi parentes Christi, tanquam sanctissimi, gloriosissimi, et immaculati, ab omnibus fidelibus possunt esse honorati. Ergo ad ea tempora deveniamus, ut sicut conceptio immaculata B. Mariæ Virginis sit revera dogma nostræ sanctæ fidei, sic etiam opinio, quæ originale peccatum in Josepho non agnoscit, ita sit communis, ut suo tempore sit etiam de fide.

Nos hæc sublimia, &c.

R. Deo gratias.

R. Erat enim formosus valde et incredibilis pulchritudine. \*Posuit diadema regni in capite suo. † Non enim pro te, sed pro omnibus hæc lex constituta est, quia Pater meus es tu. Posuit....

### LECTIO III.

*Sicut liliū inter spinas, sic dilectus meus inter omnes homines.—*

Sanctissima Virgo Maria, dum dignissimum ejus Sponsum sibi assumpsit, ipso ei loqui debuit sensu, quo et ipse de ea loquutus fuerat. Joseph, cui nullo modo latebat, Mariam Dei genitricem esse, adeoque a primo conceptionis suæ instanti, intuitu meritum Christi, ab omni originalis culpæ labe præservatam immunem, sicut liliū omnes inter Hevæ filias, eam composuit. Et Maria, quæ nihil in Josepho aspiciat, nisi Jesu Patrem dignissimum, vicissim ei similiter ait: similis es tu, mi Sponse, inter omnes homines candido lilio, adeoque, conceptus es tu, sicut ego, sine culpæ originalis labe. Et requidem vera, uti pulcherrimus lili flos tantum super omnes flores præstantius habetur ut, quodammodo, flos

est peregrina antonomastice; ita Joseph noster purissimus, tanquam liliū in medio spinarum inventus et candidus nive; et sicut nulla florum lilio major, sic noster Sanctissimus Joseph, meruit ab initio suæ conceptionis sine labe, tanquam candidissimus flos pulchre in cor Jesu dispositus ab Æterno. Sicut liliū inter spinas, sic dilectus meus inter creaturas; et hac de causa, Virgo Joseph, est liliū immaculatum, sublimius Angelis factum, superius ipsis Cherubim et Seraphim, placens Christo Jesu, a Deo in honore habitus, tanquam dignissimus B. Mariæ Sponsus, atque Jesu Pater, et revera Pater Sanctus, Pater immaculatus, solo Jesu et sua Mater exceptis, cunctiss superior creaturis.

Nos hæc sublimia, &c.

R. Deo gratias.

R. Noster purissimus Joseph est liber scriptus intus et foris, intus per spirituales intellectum, foris autem per sensum litteræ. \*Ejus vita immaculatum Dei Patris conceptum illustrat. † Pia et recta existimatione hæc diceremus, quia. Ejus....

—DIA 20 DE JUNIO.—

### LECTIO I.

—EX DOCTORIBUS.—

Inter Mariam et Joseph fuit semper par labor, par dolor, par sollicitudo animi, et a simili fluxerunt charitate.—*Isid.*—Unius termini hilaritas fuit revera inter Mariam et Joseph, dicente Evangelista: Post triduum invenerunt illum in templo sedentem in medio doctorum; ideoque pariter Je-  
Plissima



sum quaerunt, ac pariter inveniunt, et pari laude digni existunt.—*Isid.*—Allegorico itaque sensu argumentemur Joseph cum beata Virgine, pariter invenisse apud superos Christum.—*Isid.*—Quid est quod me quaerebatis? Nesciebatis quia in his quae Patris mei sunt oportet esse? Hac responsione Joseph et Virginem communi parentis dignitate Jesus veneratur.—*Isid.*—Quid me quaerebatis, o Pater mi et Mater mea? Hic locus est singularis, ubi Christum semper parentis nomine prosecutum fuisse Sanctum Joseph suspicamus.—*Isid.*

Nos hæc sublimia, &c.

R Deo gratias.

R Die magna anima mea cum mentis fiducia.\* Exultabo et laetabor in sorte mea. ¶ Quia quid quid judicabitur de me, ex sententia Patris mei Joseph pendet. Exultabo....

### LECTIO II.

—*Laus nostri Josephi.*—

Christus prædestinatorum caput est et exemplar; post Christum Maria et Joseph primo loco adscripti sunt in libro vitæ; per lineam Josephi genealogia Mariæ et Christi declarata fuit; Maria convenientissime desponsata est cum Josepho; Joseph Christi Pater et tutor, et pædagogus et defensor; Joseph fidelis, prudens, fortis ac diligens fuit erga Christum et Virginem; Maria et Joseph ut duo Cherubim se mutuo respiciebant; Joseph nunquam a Christo recessit; Joseph contemplativam vitam agebat, Joseph denique laborabat manibus suis ut aleret Jesum et Mariam.

Nos hæc sublimia, &c.

R Deo gratias.

R Matrimonium Virginis Mariæ et Virginis Josephi fuit a Deo ordinatum.\* Atque per verum aut interpretativum consensum. Verbum in sua divina Sponsa caro factum est. Atque....

### LECTIO III.

*Toto orbe terrarum in pace composito circa conceptionem immaculatam Joseph agendum est.*

Ut in diebus nostris, post magnas dubitationes, fortiora argumenta, perterribiles probationes fere ex parte theologorum, definitum sit purissimum conceptionis Mariæ Virginis immaculatæ mysterium; ita dum de conceptione Sancti Josephi sine macula sermo habebitur, dies venturus erit, quo theologi catholici et Ecclesiæ Doctores, operam se conferant, ad orationem, ad ferventes preces erga Apostolicam Sedem et de Sacris Litteris, ex traditione, rationeque theologica, ad lucas illas, quæ magnum hoc mysterium illuminent, et tunc declarabitur Sancti Josephi immaculatæ conceptionis mysterium; toto orbe terrarum in pace composito. Et quid? nam si Sanctissima Virgo, prædestinata fuit ab Æterno, ut Mater Jesu esset, Dominus Joseph ab Æterno fuit prælectus ut Pater ejus esset; si Maria, Mater est Jesu, et Joseph est Pater ejus; si Maria vera est et virginalis Jesu Mater, Joseph ejus est verus virginalis Pater; si natus est Jesus, et aluit suo lacte eum Maria, Joseph Matrem Jesu lactantem aluit; si Jesus Mariæ subjectus est et obedit, ipse Jesus, jure meritoque potiore Josepho obedit et subjectus est illi. Sed veniant, veniant homines illi, qui in nostris lucuosissimis diebus immaculatam Sancti Josephi



conceptionem ostendant, et Ecclesia Sancta eam declaret.

Nos haec sublimia, &c.

R Deo gratias.

R Oratio ad nostrum sensum necessaria est quae rem explicat, sensum illuminat, atque obscura manifestat. \*Et hoc modo nos semper laborare debemus. ¶ Quia nostrum debitum in Sanctissimi Josephi obsequium est immensa circa suam conceptionem absque peccato exaltatio. Et hoc....

—DIA 21 DE JUNIO.—

LECTIO I.

—EX DOCTORIBUS.—

Morem loquendi Christi, circa Patrem suum Joseph, expressius innuit Virgo beatissima eum ait: Ecce Pater tuus et ego.—*Isid.*—Maria, virum Joseph vocabat, et Jesus vero Patrem conjugis nomen, familiare Virgini erat; Christo vero parentis vox assidua. Quare familiaris elocutionis Christi consuetudinem Virgo secuta est, et dixit: Ecce Pater tuus et ego dolentes quaerebamus te.—*Isid.*—Unius itineris jucunditas. Cogita invento gaudii auctore, invento puero caelesti, invento Deo ipso, quibus gaudiis, qua mentis jucunditate, quibus verbis laelabantur, exultabant, gestiebant ambulantes et domum redeunt. Virgo pueri dexteram tenebat, Joseph sinistram, fruentes ejus praesentia qua tri-duo caruerant.—*Isid.*

Nos haec sublimia, &c.

R Deo gratias.

R Ingentes sine intermissione gratiae pro hoc incomparabili beneficio. \*A nobis beato Josepho sunt

reddendae. ¶ Qui nobis dedit Mariam et Filium suum Jesum. A nobis....

LECTIO II

*Utrum conceptio Sanctissimi Josephi immaculata defini possit.*

Omnes illae veritates definitae esse possunt a Vaticani voce, quae a Deo in Scriptura revelatae fuerunt, seu in traditione, tali modo servatae fuerunt, tamquam in receptaculo suo persaeculorum seriem; atqui, si immaculata Sancti Josephi conceptio fuit, nec in Scriptura, nec in traditione constat; ergo a Vaticani voce definita esse non potest; Ut ad hoc responsionem faciamus argumentum, dicemus: Scripturae formaliter eas continere possunt, ut dum Josephum, Sponsum Mariae, Jesuque Patrem, fuisse, asserimus; et eas continere virtualiter et implicite, dum res contenta non formaliter est expressa, sed ex illa deprehenditur, causa necessaria, quae cum eo quod explicat habet connexionem, ut dum de justitia Sancto Josepho ab Spiritu Sancto tributa, dicimus, quod immaculata ejus fuit conceptio, nos concludimus, nam e contra justus non fuisset in illa occasione. Et quum immaculata Sancti Josephi conceptio a libera Dei voluntate pendet, et virtualiter in Sacris Libris contenta invenitur; ergo hoc immaculatae suae conceptionis mysterium, nihil dubii continet, nec incerti; et ergo, de Sancto Josepho dum agitur, juxta quod antea diximus, tanquam dignissimus Mariae Sponsus, similis Mariae esse debuit; ergo, si Maria sine labe fuit originali concepta, sine macula Sanctus Joseph etiam conceptus.

Nos haec sublimia, &c.



R Deo gratias.

R Immaculatam conceptionem Joseph honorare et defendere præcipimus et mandamus.\*Omnibus filiis et filiabus nostris. ¶ Donec a Romana Apostolica Sede hujusmodi controversia fuerit definita.—Omnibus filiis....

## LECTIO III.

*Utrum veritas immaculatæ conceptionis Sancti Josephi definiri possit.*

Illud tanquam fidei veritas a Sancta Ecclesia definiri possit, quod a Sacra Scriptura per quamdam infertur connexionem; atqui gratia Sancti Josephi originalis, a Dei paternitate sua certe et evidenter sequitur per connexionem; ergo, definiri possit; ergo apud nos, suo tempore, fidei veritas esse potest; ergo ad fidem poterit pertinere, quemadmodum dum immaculatæ conceptionis ejus Sponsæ mysterium jam est de fide. Quod in Sacra Scriptura contenta est veritas hæc, id est, signata, declarata, seu præsupposita, negare non possumus, justus enim vocatur eximie, id est, justus in omnibus, omnibus vitæ suæ in punctis, et in omnibus possibilibus modis; dignissimus Mariæ Sponsus, quatenus hæc Virgo purissima ab Spiritu Sancto ei data per Sponsam fuit, et quoniam ipse dignissimus est Jesu Pater, eodem modo quo Maria dignissima est Mater ejus. Ergo, si Maria est immaculata, Sanctus Dominus Joseph immaculatus est; ergo, si esse Maria sine labe culpæ originalis concepta, potuit definiri fidei nostræ sicut dogma; ita immaculata Sancti Josephi conceptio poterit esse similiter. Uno verbo, si Mariæ immaculata conceptio in Sacra Scriptura implicite et in Traditione contenta est; ita illius Sancti Josephi est; ergo, sicut

si Mariæ Virginis conceptio ab Ecclesiæ universali consensu accepta paulatim fuit, cum magno animarum fructu, et singulari Spiritus Sancti motu, ita cum Sancto Josepho contiget, dum plenitudo gratiæ ejus, monstretur.

Nos hæc sublimia, &c.

R Deo gratias.

R Sunt multæ rationes et aparientiæ in honorem immaculatæ conceptionis Sancti Josephi.\*Multæ conditiones sunt ab Ecclesia determinatæ quæ non erant ita expressæ, et tot Sacræ Scripturæ auctoritates. ¶ Sicut pro ista et veritate. Multæ conditiones....

—DIA 22 DE JUNIO.—

## LECTIO I.

—EX DOCTORIBUS.—

Jesu puer duodecim annorum, carior, jucundior, ac gratior erat divinis Parentibus Joseph et Mariæ.—*Isid.*—Sublimitas obedientiæ arguit dignitatis Sanctum fuisse Joseph, quam ulla mortalium ingenia excogitare queant.—*Isid.*—Quis enim intelligere poterit illius majestatem, qui Deo imperavit, cuique Deus ipse subjectus fuit? Hebetis sunt ingenii qui Joseph munera a Deo concessa non esse peculiaris, summam arguentia sanctitudinem, innocentiam, charitatem, gloriam?—*Isid.*—Subjectio Jesu parentibus suis Mariæ et Josepho fuit revera, publica, familiaris et latens: et tanta erat horum parentum veneratio erga Filium suum Jesum, ut altissimi fuerint ordinis actus illius obedientiæ.—*Isid.*—Ingenium, amor, reverentia Joseph ac Virginis beatissimi.



mæ divinitas sola in Christo, quæ eos delegerat parentes, hæc nobis inexplicabilia afferat — *Isid.*

Nos hæc sublimia, &c.

R Deo gratias.

R Eia omnes Josephini gaudeamus in Patre nostro Josepho. \*Benedictus Pater per quem ejus Sponsa Maria est nostra Mater. ¶ Benedictus Pater per quem Filius suus Jesus, est noster frater. Benedictus Pater. . . .

### LECTIO II.

*Utrum tota Sacra Familia sit absque peccato originali.*

Quod Sancti Josephi immaculatae conceptionis mysterium in Scripturis Sacris, aliquo modo continetur, videtur certum esse, ut quantum opus est dicere possumus, et exabundanter probata est, juxta Spiritum Sanctum, certo in modo, fidem facientem, trium divinarum personarum per modum unius loquentem; cum tribus divinis terræ personis sit conveniens, ut sic una, sic altera a peccato originali sint exemptæ, adeoque, Dominus Sanctus Joseph, quoque absque peccato originali habeatur. Et recte, dicere possumus, ut ita Mater Ecclesia hoc testat, dum in una jaculatoria Jesu, Mariæ et Joseph, honorem, gloriam et benedictionem connectit, dicens, docens et indulgens illud: "Jesus, Joseph et Maria, cor, et animam meam do vobis; Jesus, Joseph et Maria in extremo vitæ articulo me invisere dignemini; Jesus, Joseph et Maria; ut in pace et fiducia vestra anima mea e vita exeat facite." Coeterum, si caro et terra (ex qua illa formata est) Jesu, caro est et Mariæ terra, ita caro Jesu et Mariæ terra, caro et Josephi terra sunt; et tres carnes, tresque terræ, sub

hoc respectu, ipsam acceperunt benedictionem. Hac de causa Psalmista ajebat: "Benedixisti, Domine, terram tuam; avertisti, captivitatem Jacob; remisisti iniquitatem plebis tuæ; operuisti omnia peccata eorum; mitigasti omnem iram tuam." Ergo Sacra Familia, id est, Jæsus, Maria et Joseph, est absque peccato originali.

Nos hæc sublimia, &c.

R Deo gratias.

R Ostende nobis filiis Josephinis misericordiam tuam et veritatem immaculatae conceptionis Josephi da nobis. \*Audiam quid loquatur ad nostrum Institutum Spiritus Sanctus. ¶ Veritas de terra orta est et justitia de coelo prospexit. Audiam. . . .

### LECTIO III.

*Utrum mysterium conceptionis B. Josephi absque peccato sit credibiles.—*

Illud ut incredibile habetur, quod evidenter falsum est; sed Sancti Josephi sine macula conceptionis mysterium, non evidenter falsum est; ergo credibile est; ergo non est incredibile. Praeterea mysterii veritas sine labe conceptionis Sancti Joseph credibiles est, et credibiles ex integra causa, et cum theologico assensu, si ex aliquo modo ab Scriptura liquet; nam ut aliquod rationabiliter credatur mysterium, necesse non est ut in illa expresse inveniatur, sed ex illa rationabiliter inferatur sufficit. Uti ex Virginis Mariæ sanctificatione in utero matris ejus, nihil in Scriptura canonica dicitur, nec de sua immaculata conceptione, sed tantum ex illa infertur quia Deigenitrix est; ita et de Sancti Josephi sanctificatione in utero matris ejus et de sua immaculata conceptione, quamvis nihil expresse in Sanctis Libris inve-



niatur, tamen ex illis hoc inferre possumus, quia Dominus Sanctus Joseph, Pater est Jesu: "Ecce Pater tuus et ego quaerebamus te." Ergo mysterium hoc non est incredibile; ergo mysterium hoc est vere credibile; ergo, veritas est, quae paulatim inter sapientes viam aperiet, inter veros Sancti Josephi cultores; cito sententia erit pia, festinanter sententia erit, quae gaudio et satisfactione Sancti Patriarchae cultores implebit; cito voluntatem suam coelum monstrabit, mediis miraculis veris, et non ex illis minus erit, ambarum josephinam familiarum, existentia quae, reluctantante super illas mortis sententia fulminata, existunt.

Nos haec sublimia, &c.

R Deo gratias.

R Mysterium conceptionis absque peccato nostri Sancti Josephi a Deo videtur negotium esse.\*De paternitate Jesu rationabiliter argumentatur Beatus Josephum esse immaculatum. ¶ Nemo praeter Sacram Familiam esse absque peccato originali. De paternitate....

—DIA 23 DE JUNIO.—

LECTIO I.

—EX DOCTORIBUS.—

Accedat homo ingenii et magis ac magis pii ad interiora domus Christi. quam obediens Josepho ac Virgini Matri inhabitavit puer, adolescens at juvenis Jesus, et ingrediatur, limina conscendat fide clarus, Christum nunc parentes alloquentem, non numquam in mensa positum, aliquando laboribus suffragantem, nunc lecto jacentem, aut surgentem, deambulantem, cum parentibus sedentem, ac eos

alloquentem imaginetur.—*Isid.*—Amavisse Joseph Christum Deum ea dilectione qua nemo, filium aut animam aliquando dilexit.—*Isid.*—Joseph perfecte cognovit, secundum statum hominis mortalis, Christum verum Deum; illum igitur ineffabili amore dilexit.—*Isid.*—Joseph Christum speciosum prae filiis hominum intuebatur, amplectabatur, osculabatur, ac inexcogitato amore eum dilexit.—*Isid.*

Nos haec sublimia, &c.

R Deo gratias.

R Quid excellentius, quid praeclarius, quid desiderabilius.\*Nobis contingere poterat. ¶ Quam quod Sponsus Meriae et Pater Jesu, sit nobis amantissimus Pater. Nobis....

LECTIO II.

*Rationabiliter concluditur per Scripturam,  
Joseph esse immaculatum.*

Communis legis usus habet atque docet, egregias personas a communi lege eximere, sive per suam eximietatem, sive per dignitatem summam suam; atqui Pater noster Dominus Joseph, juxta quod in Scripturis declaratur, omnibus modis, dignitatem habet excellentiorem; ergo est excellentissime privilegiatus; ergo, si qui in utero matrum suarum, qui, sicut e coelo a terra, inferiores sunt Josepho, sanctificati fuerunt; ergo etiam Dominum Joseph fuisse, sequitur; ergo fuit modo nobiliore; ergo fuit juxta universam divinae Paternitatis excellentiam; et quoniam hoc Filiis suis immaculatus fecerat, exigit; ergo de facto immaculatus a Filio suo Jesu factus fuit. Certum et infalibile habetur et est, Sanctum Joseph virginalem esse Dei Patrem; atqui paternitas Dei virginalis in gratiae specie, forma est puris.



sima, et majorem gratiarum numerum, in quantum fas est, praehabet; ergo ei gratia originalis data fuit, ab omni labe originali et actuali exempta, ut idoneus Jesu Pater esset. Praeterea, juxta veram pietatem, filius parentes suos abstrahere debet a servitute et captivitate, hoc faciens, et potens facere sine ullo incommodo; atqui in Jesu manu erat a miseria et captivitate originalis culpa Patrem suum Joseph praeservare, ipso modo, quo Matrem suam Sanctissimam praeservaverat; ergo conveniens pietati est, Josephum Patrem suum, a captivitate originalis culpa praeservare; ergo factus fuit sine labe originali conceptus.

Nos haec sublimia, &c.

R Deo gratias.

R Honora Patrem tuum et Matrem tuam.\*Iniquissimum est Patrem aut Matrem derelinquere cum Filii sit in facultatibus eos liberare. ¶ Dominus Jesus ita honoravit Patrem suum Joseph ut illum fecit immaculatum. Iniquissimum....

### LECTIO III.

*Gloria Filiorum est parentum eorum.*

Rectae rationi consonum est, juxta Sanctorum Librorum testimonia, experientiaeque testationem, filiorum gloriam esse, parentes habuisse rectos, quare inde consequitur, Jesu gloriam esse, parentes meliores, sanctiores, perfectiores, habuisse; ergo, conforme non est legi naturali, rectaeve rationi, quod Jesus Matrem aut Patrem, qui non immaculati in sua fuissent conceptione, selegisset. Ergo concludendum est, quod si Jesus Matrem, Virginem immaculatam praelegit, ita a fortiori Patrem, virginem immaculatum, praeligere debuit; eo magis,

quo Mater et Filius subjecti ei esse debuerunt. Eodem modo, absonum est valde rationi, quod cum Jesus Christus in mundum venisset, ut peccatores salvaret, ex peccatoribus parentibus, voluisset nasci; peccatores enim fuerant, si uterque in peccato fuissent concepti; ergo, sicut Virgo fuit Sanctissima, ita etiam Sanctissimus fuit Joseph, si Virgo sine macula fuit concepta, ita et Joseph absque originali peccato conceptus fuit. Hac de causa in Geneseos legitur: "Inimicitias ponam inter te et mulierem, ipsa conteret caput tuum;" id est, ipse Jesus per Mariam et Josephum conteret caput tuum; ergo Mariam et Josephum creare in originali labe, idem erat ac eos sub inimici potestate creare; ergo diabolus gaudere potuerit et dicere: ego etiam victoriam super Parentes Jesu, obtinui; ego etiam sub potestate mea, eos aliquo tempore habui; ergo rationi tali modo absonum est, ut tantus audiretur horror.

Nos haec sublimia, &c.

R Deo gratias.

R Joseph et Maria tamquam fundamenta Jesu in omnibus momentis sanctis revera sunt.\*Diligit Dominus eos, ut portas Urogeniti Filii sui super omnia tabernacula Jacob. ¶ Gloriosa dictas unte de vobis tamquam de civitate Dei. Diligit....

### —DIA 24 DE JUNIO.—

#### LECTIO I.

—EX DOCTORIBUS.—

Joseph viva fide credebat Christum Deum verum, sperabatque juxta angelica promissa, illum futurum Salvatorem mundi, igitur vehementissime illum dilexit.—*Isid.*—Joseph Christum amavit plus quam



omnes parentes, filios suos; amore praecipue semper amavit, quia ampliora de Christo credebat, semper deservivit.—*Isid.*—Jesus visus a Joseph et adoratus, illius cor vulneravit aeterni vulneris indesitura cicatrice, et ab ea hora citra novum hominem Joseph induisse non ambigimus. Quid a me petis ait Joseph o fili mi! O Deus immortalis, annue, jube impera, quia quem Patrem putari mandas, servum tuum se esse gestit et gloriatur! Tu es verus Deus; tu sapientia Patris; tu splendor Patris; tu salus humani generis; te adoro, o Fili mi, te amo, et te amare opto.—*Isid.*

Nos hæc sublimia, &c.

R Deo gratias.

R Magna nobis confidentia resultat ex eo quod.\*  
Virgo sit Mater nostra et Christus Dominus frater.  
¶ Et Sanctissimus Joseph sit noster Pater. Virgo....

#### LECTIO II.

*Tum Maria, tum Joseph, concepti sunt absque peccato originali.—*

Cui sub aliquo visu plenus est, nihil amplius addi potest, nam e contra plenus non fuisset; atqui Beatissima Virgo Maria Joseph Sponsa fuit gratia plena; ergo ipsi non defuit originalis gratia, ab omni labe exempta; ergo sine originali culpa fuit concepta; ergo dum Angelus ei dixit: Gratia es plena, hæc gratia juxta omnem plenitudinem intelligere debebat; ergo gratia fuit plena indefinite, relate ad omne tempus; ergo semper fuit gratia plena; ergo fuit jam in primo suae conceptionis instanti; ergo fuit de facto sine labe originali concepta; et hæc propositio in diebus nostris fidei nostrae catholicae dogma est. De Sancto Josepho nunc sermo facientes, ip-

sum discursum efformamus, dicentes: qui justus in aliqua specie est, nihil de justitia illa deesse potest; nam si aliquid ei defuerat, scilicet, justitiae, jam non absolute justus fuerat: atqui Dominus Joseph ab Spiritu Sancto, justus fuit declaratus; ergo ei non defuit justitia originalis gratiae; quia Joseph, non solum fuit justus in agone, et justus illo in momento quo ab Angelo talis fuit declaratus, sed justus fuit semper; ergo justus, a primaevo instanti suae conceptionis, fuit; ergo justitiam habuit cum omni plenitudine sua, ergo eodem modo quo Maria concepta, ipse sine originali labe fuit conceptus; ergo revera, tum Maria, tum Joseph concepti sunt absque peccato originali. Et sic concludere possumus, nam veritates sunt, quae ad fidem pertinent, non tantum quae in Sanctis Libris expressae sunt, sed etiam illae quae ex certa ab illis rebus in Sacris Scripturis contentis expresse, connexionem inferuntur.

Nos hæc sublimia, &c.

R Deo gratias.

R Homo Jesus, et homo Joseph natus est in ea justitia originali et absque peccato.\*Jesus essentialiter ut Deus, sed Joseph per gratiam et privilegium ut homo. ¶ Ipse Jesus fundavit justitiam originalem in Joseph Patrem suum. Jesus....

#### LECTIO III.

*Utrum conceptio immaculata Josephi esse de fide possit.—*

Receptaculum seu Scripturae Sacrae depositum est Sancta Ecclesia; hæc etiam ejus sensum verum in deo poisto habet, et illa est ipso tempore ejus judex certus et verus ad declarandum ipsum. Ideoque, dum Scripturae Sacrae sensus fuerit obscurus, seu in du-



bium veniamus, an aliquid conclusionis necessarie a rebus fide deducatur, Ecclesiæ intelligentia, Scripturæ est intelligentia, et certum fidei catholicæ principium, nam si Ecclesia jus certissimum verbum Dei a verbo hominum habet, discernendi, plane, jus merito inferitur habet, sensum Dei ab hominum sensu, discernendi in verbis prædictis. Ex dictis liquet certe, quæ veritates ad fidem pertinent et ad illam pertinere possunt, et suo tempore credituræ erunt cum divina fide. Sed cum immaculatæ Sancti Josephi conceptionis veritas mysterii, non est de fide veritas, nec in Scriptura formaliter est expressa, nec ab Ecclesia definitive fuit declarata: attamen ex eo quod a textibus Scripturæ colligitur, et quia nec traditio, nec Ecclesiæ Patres contra illam exsurrecti fuerunt, plane est consequendum, Sanctam Ecclesiam eam definire posse; et quod si ipsa eam definiret, expresse et formaliter, sicut ei datum est facere, tum veritas quæstionata, fidei catholicæ dogma esset.

Nos hæc sublimia, &c.

R. Deo gratias.

R. Dominus Joseph regnavit ut rex cœli et terræ, et decorem justitiæ originalis indutus est. \*Indutus est fortitudine adversus Satanam, et Dominus Deus præcinxit admirabilem fortitudinem. ¶ Etiam firmavit conceptionem suam ut revera esset absque peccato. Indutus....

## LECTIO I

—EX DOCTORIBUS.—

Porro quia singularis fuit in beatum Joseph sacratissimæ Virginis Mariæ Sponsum, hujus provincie devotio, ob cujus Sancti merita et intercessionem pie credi potest, novam Hispaniam singularitus Dei beneficiis donari, provincialis Synodus anno domini 1605 celebrata, Sanctum Joseph in generalem hujus archiepiscopatus et provincie Patronum elegit, ejusque festum coli mandavit; hæc quoque Synodus idem renovans et confirmans, statuit: ut festum hujusmodi in hac provincia, cum octava celebraretur. —*Mex.*—Ecclesia Hierosolimitana admisit Joseph esse in utero sanctificatum; atque idem fuit sensus antiquissimi carmelitanorum ordinis, qui Breviario semper, et huiusmodi usi fuerunt etiamnum Pontificibus augmentibus: in tabulis ecclesiasticis Josephi sanctificationem in utero legerant. —*Hierosol.*

Nos hæc sublimia, &c.

R. Deo gratias.

R. Multum nobis filii Instituti Josephini prodest immaculati Josephi intercessio. \*Quia Pater noster revera est. ¶ Et quidquid pro nobis postulat a Deo certissime impetrat. Quia....

## LECTIO II.

*Quid et quomodo credendum est circa conceptionem immaculatam Sancti Josephi.*

Omnibus notum erit quod interim supramodum de immaculata B. Mariæ conceptione quæstionabatur, imprudens fuerat, Sancti Josephi conceptionem immaculatam ad quæstionem ut reducerent, ante ocu-



los sapientium ponere; sed hodie cum transierunt anni quadraginta ex quo fidei catholicae dogma declarata fuit, doctrina, B. Virginem Mariam asserens, sine labe originali fuisse conceptam, certe ad tempus jam venimus quo in ejus Sponsum oculi nostri tendamus, sive quia coelum ad hoc videtur nos cogere, mediis multiplicibus beneficiis, quae super mundum sparsit, sive etiam quia Ecclesia multis, modis honorem Josephi et gloriam quaerit et a fidelibus exigit pie, et a sanctorum numero seligens, in loco suo speciali eum collocat, ad ejus Sponsam, Dominus Leo Decimus Tertius, aproximat quantum fas est, et videtur theologos vocat, ut omnes dicant, quid aut quomodo credendum est circa conceptionem immaculatam Sancti Josephi. Usque nunc, nihil credendum est tanquam de fide, quia de facto, nihil circa hoc definitum apparet; sed quia videtur a principiis fidei deductum, recte videtur, ut in statu quaestionis praesenti, potest esse apud fideles, doctrina pia, quae similiter magni solatii est apud omnes Josephi cultores, et etiam valde honorificentissima Jesu et Mariae, qui vehementer desiderant eam magnificemus nunc in terris, sicut et illi magnificent in coelis.

Nos haec sublimia, &c.

R. Deo gratias.

R. Hanc autem opinionem tenet Institutum Josephinum et nos mirabiliter probare intendimus si fieri potest.\*Ex naturaliter notis nullam apparientiam veritatis habet opinio contraria. ¶ Et suo tempore affirmantes quod Virgo Joseph habuit originale peccatum reprehenduntur. Ex naturaliter....

## LECTIO III.

*Operationes et fundamenta Ecclesiae vel Papae in suis dogmaticis definitionibus.*

Dum Ecclesia seu Apostolica Sedes, aliquas fidelibus propositiones, tanquam fidei dogmata, quae de fide non erant antea, proponit, exposcit apertam declarationem eiusdem sensus in Scriptura contenti. Tum, sic propositio declarata illa, ad fidei dogma esse, quod omnes credituri fideles adstrictè teneantur, transit. Hoc Jesu Christi repromissione in illa fundamentum accipit, asserentis: omnibus usque ad consumationem saeculi temporibus cum Ecclesia permansurum, sed specialiori modo Spiritus Sancti cum lucibus, quibus, Apostolica Sedes, omni in tempore, quocumque momento, omnique quaestionum genere, erit praeradiata; et hac de causa, dum Sacrae Scripturae, interpretationem nobis attulit, non errasse asserimur. Adeoque, doctrina, Sanctum Josephum, veluti Mariae dignissimum Sponsum, sine labe originali fuisse conceptum, quae asserit, theologica est propositio, quae secum, tum operationes, tum fundamenta ut sit de fide, involvit.

Nos haec sublimia, &c.

R. Deo gratias.

R. B. Joseph, est revera vir qui non abiit in concilio impiorum et in via peccatorum non stetit.\*Et in cathedra pestilentiae originalis maculae non sedit. ¶ Sed in lege Domini semper et pro semper fuit voluntatejus. Et in....